



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel XX. Waer-om dat de Aucteur al-soo miraculeuselijck ghenesen is.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

was / ende vele plaetsen der Martelaeren op hope van verlossinghe hadde besocht / ende ten lesten deur de ghebeden vanden H. Abt Benedictus verlost wierdt / seght al-dus : Maer de heplige Martelaers en hebben hem de gane van ghesondthepdt niet hegheren te gheuen / op dat sy souden toonen hoe groot dat de gratie Godts was in Benedicto.

CAPITTEL XX.

Waer-om dat de Aueteur al-soo miraculeuselijck ghenesen is .

Soo vele als my aen-gaet / waer-om dat Godt my dit alendigh leuen heeft willen verlenghen / is my onbekent : behaluen dat my twee redenen inne-vallē / om de welcke ick met recht magh dencken dat het Gode al-soo heeft belieft / oft om dat ick deur dese sijne groote goedthepdt tot penitentie aenghelockt wesende / mijn leuen voozdt-aen soude beteren / ende met deughdelijcke wercken mijn veurleden fouten soude upt-wischen / ende de gheheele clepne reste mijns leuens bestellende om mijn siele te winnen in sijnen dienst tot salighepdt van mijnen en-naesten soude ouer-bzenghen ende hem opdraghen : oft daer-om veur-waer op dat hy mijnen cleppen dienst een wepnigh soude ghebruycken in het beschryuen vande gloziuse strjden sijner Martelaeren / ende sijn glorie daer deur meer verclaeren. Het welck ick seker hebbe ghearbeydt te doen naer de maght die de selue goedertierene Heere my sijnen dienaer verleent heeft . Nu aen-gheuerckt dat het recht ende billigh is / dat alle goet sal weder-keeren tot sijnen autheur daer't van voozdtel-ghecomen is / soo wil ick dit mijn gheheel werck ende arbeydt /

aen

384 Waerachtighe Hist. van Mart. van Gorcom.
aen hem doot-moedelijck offeren die't ghegunt
heeft / biddende met aller begheerten des herten /
dat dese slechte gifte van my arme sondaer / onder
die grote schencken daer sijnen tempel (welck is de
heylighe Kercke) van vele groote personagien rijc-
kelijck mede begift is / emmers inde minste ende
laetste plaetse ghestelt magh worden. Amen.



AEN-